

古
微
堂
詩
集

古徽堂詩集卷五

邵陽魏源默深簪

七言古詩

游山吟八首

少年好遠游曾踞祝融之峯最上頭羣山滾滾波濤浮
向背賓主無處求那知造物融結何端由入山日溪峯
日變下下高高呈坎艮始知脈絡支幹一生萬從此芒
鞋踏九州到處山水呈真面骨肉雖殊性情同一山參
破萬山見浮氣所聳爲巒岡浮液所涌爲河江浮垢所
積爲域封一氣鼓盪分流峙全憑呼吸爲伏起大呼大

西華宮齋集卷五
一
吸收放數百里小呼小吸胎孕一卷是至今承平千萬
年坤元息息通原委雄哉大塊大文章變化怪奇無二
理我今杖策春山行春山寂寂空無人鳥嘯花放大古
春蒼茫獨立唫鴻鈞

人知游山樂不知游山學人生天地閒息息空通天地
籥特立山之介空洞山之聰渟蓄山之奧流駛山之通
泉能使山靜石能使山雄雲能使山活樹能使山蔥誰
超泉石雲樹外悟入介奧通明中游山淺見山膚澤游
山淺見山魂魄與山爲一始知山寤寐形神合爲一蝸

慕世間人請來一共雲山夕

人知游山樂不知游山悲鬱聿槎牙枯樹枝湍風石籟
陰無時盡日無人呼不應一應谷響風霆馳孤光慘慘
照衣袂賞心獨往無人知幽洞老僧睂一尺扣之不語
如扣石縹緲絕壁似有人欲往從之絕行迹學禪學道
兩無福雲霄棄我爲俗物東烏西兔如旋輪轉眼青山
冢蒼翠青山夜兮明月飛青山曉兮明月歸青山默兮
泉是舌青山舞兮泉是衣古寺溪宵守元牝山魃窺山
似相哂流泉終是下山物何事寒潭暫澄影

晉客京師塵海間
百里望山如望僊
今來嶺嶺山水窟
贗山不得出山谷
肉山不及骨山爽
臥澗不如立瀑湍
舟行十日始出山
耳不聞聲心內響
向平昏嫁始入山
何不盡攜兒女來
山間淮南雞犬雲
中喧梅福眷屬皆
神仙雲中僊人大
笑謔世間那有楊
州鶴

登高使人欲望臨
深使人欲窺好奇
好險信幽癖此中
沉趣誰知之不深
不幽不奧曠苦極
斯樂險斯夷譬如
學道不深入膚造
安得窮其巖僮僕
頃笑妻孥怪木葉
風嘯疑魅魍古人
狂逸天使獨琴陰
痛哭山賦嘆孤竹

中雍棄千乘祇貪邱壑西南馳此中南面安足易何乃
尙羈五斗爲山僧閱我語深夜欲令息照塵勞非徒畱
後約猿鳥笑持贈記取千季藜

五嶽山大聖巖立天中央餘山盡狂狷天骨仙開張武
夷雁宕天之狷黃海桂林天之狂王屋臺廬頗得嶽氣
勢正如具體之中行其餘平遠雷同半鄉愿胡廣中庸
之孔光何況蠶叢攢沓黔夜郎始知山貴特立而耿介
正猶豪傑師文王倚天拔地自雄放豈必面目同員方
亦有娟娟絕俗仙娥態亦有蕭然逸士塵外裝平原數

何能有千仞勢亦敵磅礴而莽蒼半生游山山未了飛
泳乾坤一魚鳥有人大笑鴻蒙表厥初造物胸中誰起
橐

海山微茫而隱約江山巉立而秀卓溪山窈窕而幽淡
寒山蒼莽而磊落吳山蔥蒨楚山橫蜀山劍戟秦山巖
南北嗜好情性殊彼此棄取殊邳壑我今何棄亦何取
大塊文章任芒角怪怪奇奇萬萬千變化隨心孰陶琢
我聞造化初茫茫氣與水中央大塊一卷耳至卑者山
至高者水泉故發山頭石皆漾橫理霜雪雲嵐皆水氣

銀河瀑布九天起我亦造化所鑄之一物本與山川同
自出骨血脈理毛髮膚艸木土石形氣質平奇方正隨
賦畀誰與五嶽爲六七不知千秋萬世視我古人時比
我何谷何山堪彷彿

青山不知何日生白雲不知何日橫青春不知何日老
惟有黃鸝夏木嚶嚶鳴艸色欲成波浪起行至山顛青
不止高处如雲下如水幽人尋春方未已道逢杖笠翁
疑是羲皇客木葉衣桃花色性鹿豕心木石此中不知
天地恩何況人間帝王力請君住山一百年置身無懷

与葛天尙友鴻蒙以前之人物遐觀澤洞以外之山川
卻笑桃源蓬嶠人必於世外求神僊

游山後吟六首

雨山潏豔雲山幻雪山清寒聳璀璨三者皆暫不可久
惟有月山終歲有米家雨墨倪家迂摩詰好作雪山圖
惟有夜山終古無人摹月下煙中互起滅山魂樹影疑
有無月下遠山不及近夜聽山泉聲更靜空谷無人蟲
鳥絕山靈皆寐我偏醒夜山若在水之隅琉璃倒浸寒
公壺古寺敲門僧未宿前林沽酒猿堪呼平生愛山兼

愛夜科頭入定長松下水中藻荇是山林直以長空爲
夏廚

山有遠秀難躋晤君山小孤萼不注山有深入始勝遠
無奇黝宕羅浮及武夷遠近皆奇恣所樂廬屋天台及
五嶽中藏靈秀外嵯峨由來奇玉無麤璞常憾游山不
善畫今知圖畫皆虛假楮墨止能圖一面其中層層面
面何由寫笑倒千品萬壑圖盡寫山背無山腴峯峯皆
立互遮掩除非放倒峯巒紙上鋪一游勝讀十年畫幽
淡無際誰能如假山疊石似勝畫又恨煙霞泉樹無何

以文章工寫照虛實向背差能到無心楫範苦相肖欲
宣宇宙靈秘公同好安能世上有心人盡領化工陶鑄
妙

世人游山不游谷何異升堂遺奧曲奧曲全在兩山間
登高一覽何由足四嶽妙在峽中溪嵩衡到已少岱谷
更罕窺礬山西谷水簾下亙古屐齒誰知之間先石梁
三疊谷廬瀑止涉其潛籬始知桃源別天地只在目前
人不識厓高高水深深天蒼蒼地陰陰萬松萬石風泉
吟此中凡聖無古今轉眼便失雲迷津莫語屠門大嚼

人

平生好游山獨不好游洞每入洞中如入夢登山之難
難於上青天入洞之難難於下九淵此生不慣蛇攢穴
但好天仙不地仙陽洞虛明尙可親軒然肺腑出示人
陰洞真如城府人險巇幽暗而陰屯我聞洞天福地清
且閑別有天地非人間虛白光輝自世界琪泉瑤艸清
爛斑安有幽壙潛寐長不曉直待秉燭窮神姦安得鬼
斧摩天鑿七竅天凶軒豁天光照乾端坤倪呈眾妙混
沌縱死我心佼

無黛無樹墨模糊人言此是米家圖從此畫裏晴天無
頑山亂石惡藤樹恨不天工盡芟去如何收之入絹素
又或胸無奇峭託平遠又或密畫樹林不見巘千嶂雷
同千面混好山好水造物奇一奇未游稱畫師何異夢
裏逢瑞姬畫工須從化工出未辨丹青先柳栗萬壑千
厓胸湧溢縱筆一揮疾無失縮則尺幅長百尺有若干
龍萬龍出安得酈謝向平幻作荆關筆萬種空濛萬蕭
瑟

溺仙溺佛溺山水与溺酒色無殊軌嗜好不專溺不淡

安能萬事不易此巢由溺箕顓黃綺溺商顏李渤溺廬
搏溺蔡孫林溺彼百泉與孤山李愿司空溺兩谷奮杖
長往良非艱世間尤物醉人性色聲光景忘往還何怪
雲月泉石南面王濃情醺念疇不芟豐艸長林麋鹿性
魚鳥尙不甘籠樊豈有乾坤至清氣而有塵垢爭其慳
慕膾嚇腐市朝客何異髡嫫驕仙鬢半生放浪溪山裏
日逐煙霞窮不已世人狂我棄利名我亦怪世遺雲水
易地而觀一律耳臧穀忘羊孰歧視役情於外皆堪恥
安得大上忘悲喜安得見智見仁遺聽視

岱嶽吟上

烏乎岱宗之脈胡來哉或言遼東渡海來不然中原莽
蕩數千里何以巖起平地雄崔嵬丙子之冬登日觀大
雪茫茫無所瞰辛巳之春尋石峪摹榻摩厓游太促王
午之夏偕游侶未極峯顛愁酷暑三度登嶽未悉嶽真
形搔首嶽瀆慚山靈齊魯陰陽今踏徧始識禹標非漫
經熊耳外方桐柏及陪尾中幹橫行屢伏起始由淮北
分幹來每過一峽輒分水爲嶧爲蜀徐沛間初峽呂梁
穿泗水再峽陰平起東蒙亦猶少室少鸞爭鸞嵩三峽

爲陪尾遂起徂徠峯南過萊蕪原嶺峽始瞻東嶽插天
雄正幹西盡東平麓回顧蔥嶺如轉轂懷抱鄒魯肘腋
間乾轉坤旋靈淑育不有曠平不顯岌墮不有紆回不
顯變化東南橫行逆西北直與昆崙遙揖迓宐乎封禪
朝百靈掉尾神龍殿區夏七十二泉汶泗源旺湖水櫃
渟其間運河黃河一再截遂疑地脈亾其元但見中原
渡海爲島嶼幾見島嶼又復登中原登日觀俯黃河水
蕩蕩山峩峩滄桑陵谷何其多登岱嶽俯齊魯川瀆中
條傳自古稽首黃河決北勿決南川瀆洪荒還大禹

岱嶽吟下

登岱不觀日出海我道斯人未登岱觀岱不觀嶽出雲
誰知生氣東方饋雄雞叫斷紙幽黑五鼓披裘陟山崩
不知滄海在何所但覺光芒起東北萬光射處一光升
萬光之下一碧承光以內外星閃閃光以上下潮冥冥
白光盡處火輪現艸木山河金潑灑落日如人老更赤
初日如人少方豔萬千氣象此時分亦如開闢初混元
首出庶物朝至尊帝出乎震人生寅山僧揖我譚六幕
恨不來當十月朔日月東溟同度升太陰太陽如璧珏

二曜同行天未中太陽漸遠太陰從烏射兔中遞明晦
天包地外轉始終一年一度真難值說與人間渾不識
老僧住山七十年晴霽奇觀只十一語笑未了雲出封
兜羅綿絮紛蓬蓬南峯北峯兩雲窟一窟可貯雲千重
俄頃翻山作銀海徧大地如金在鎔頓疑山移入海中
此身已在蓬萊宮世界下白上反碧海天互倒爲其容
斷萍漂泊隨長風須臾迅掃無遺蹤變化轉輸隨所職
七十二君莫載記赫奕神靈造化存豈是神龍漫遊戲
乃知素王小天下要取鴻蒙最初氣萬家闐寥視聽窮

正德書集卷五
中心爛如日初霽塵網日汨良可悲此生莫忘岱峯觀
日時

萼嶽吟上

烏乎萼山之高吾不知其尙在青天之下其色直出青
天上削成四方五千仞非有羽翼徒空仰雍州積高神
明壤薶收金氣何森爽獵鳥到此神不旺煙雲艸木皆
淒愴劃然中裂流泉飛人從山縫緣山上不知絕頂有
何奇從石骨節周府藏左山抱右右山環一重水石一
重關三步攀十步坐碧垂東青避左嵐如醉樹如寐壑

日傾澗霞蔽一綫青天萬丈長太古不曾嵌斜陽中道
改趨青柯坪遙望水簾氣不聞水簾聲自此以上更無
蟬鳥音但有億萬松濤鳴自此以上舍杖手代足青冥
壁立但有猿挂而蟻行忽大斲忽大盡一吭聯蒼龍嶺
萬仞壑兩面井生死關仙凡境徑路絕風雲綆失一天
地得一天地一放萬丈青蓮花滿空際一峯首出萬峯
侍俎豆鈞天享羣帝三峯岌岌欲上天羣峯簇簇相牽
連雲立雲垂狀萬千金仙聳上蓮臺顛絕頂一上太身
尊九州各自判陰曛涇渭伯毛河伯綫岱霍豆點青螺

痕誰言青氣滿關內其氣直接萬里以上蒼蒼元大地
盤旋伏復起天風震撼蓮花根行到雲端未是尊直窮
空際始無垠吟成散入天風去欬唾下土雷殛奔俯悲
塵世何沈瀾雲氣如龍起下界徑欲騎之冉冉而上騫
天人古今咫尺耳溟滓芥蒂何足吞從今便可遺世而
獨立始知此山以外無乾坤人言岱頂觀日聞天雞誰
知鸞頂觀月更清奇世界不動如定水星辰出入青玻
璃吁嗟乎自有宇宙卽有此山月何人不愧太鸞峯頭
客

一怒芙蓉轟天地洛人多從側背看誰從汝頰道上瞻
孱顏天際真人出雲霧凜然冠冕雲霄寒山靈撲我萬
重翠少室磊磊真与少萼參無柰三面可望不可攀安
得羽翼飛上青雲端山漸近形漸改忽孱忽笏忽劍戟
左霞右霧朝幻而夕采劃然斷呀然剖二室中分如豁
口盡吞車馬入谷中吭咽肺腸無不走輟輟嶺少林寺
怪石奇峯一時蔽山陽已轉山陰脊狎險凌危萬夫辟
衣上白雲如聖帚直上天門生四翼大小御砦次第鬼
漸見石石豎立澗澗沍漸聞雲中遠瀑如崩雷俄焉突

壓大山影此身已在仙樓臺六六蓮萼面面開地氣盡
天氣來險窮怪極還胚胎此身何處安三才雲生忽灑
洛陽雨風撼更動金源哀帝遣白雲生足底聳身一湧
歸蓬萊請乘白雲去莫乘白雲回大小御砦一夫當關萬夫莫前金宣宗曾屯兵其上以拒蒙古故有御砦之名

二室行

曾蟠二室五千丈夢与仙客爭雄長太室之勝山內藏
少室之奇山外仰難弟難兄孰相讓吾不知孰龍眠於
海隅兮孰鳳翥於天上河爭海辯無窮年忽忽夢造瓊

玉巔峯回路轉不可以數計忽仇穴兮忽桃源犬吠雲
中兮雞鳴天上兮雪璫鎗鳴石間問此太室之閬奧豈
伯少室巉厲可望不可攀俄延首兮改形勢笏干霄兮
蓮湧砌石墮雲中兮瀑鳴天際絕類離羣多天少地人
迹所不至兮惟來往仙靈之氣回視太室之平偃又爽
然其辟易孰主輔孰長少入主出奴賞未了雲中忽逢
嵩嶽君引我峯頭萬仞行手指河山兩戒爲余說首秦
隴兮尾渤海三龍竝出中龍短眾長尊短拱辰闕五行
河洛中央土一體分拆三形元帝遣我昆鎮四維如手

雨肱車兩轍箕熊几案輶輶峽手足何堪聽割裂瞰咫尺兮畝千封睇蟻垤兮城百重蝸兩角兮周西東蜉朝夕兮漢始終蛾術壘兮唐禪封蜂成陣兮金元攻邱壘纍洛濯濯雲蒼狗月五采啟母石上鬼夜號漢相堆前茅蓓藟幾見黃流徙北南幾見兩龍鬪溱洧九州環繞若棊枰誰是萬歲峯頭看奕人青牛西去綠鶴杳獨立蒼茫萬古春語罷猿嘯山月曉倒瀉流泉喧樹杪下方天海黑沈沈金烏飛去扶桑老

北嶽五臺看雪行

凡山之能出風雲奔走萬國者爲嶽而渾源州与上曲陽之山

五如弟昆始知南條別自有五嶽氣敵岱華嵩岍恆大
斷大起大回轉屹然祝融天柱尊回顧九疑如負展賀
郴庾桂皆藩屏北戒南戒嶽各五衡則五嶺盟主人至
今風雨月明夜羣真雜遝紛雲輶靈均湘靈光怪氣皆
是此山萬古魂杜韓游山太艸艸誰與經緯窮九龍請
一揮斤擴萬古鑿破渾沌驚山靈安得以此鐫嶽頂遠
埒岍嶠文赤青

廬山高效歐陽公體

吁嗟乎廬山之高不知幾千仞蟠薄不知幾百里勢壓

厚坤戒南紀屹然豫章之屏障關鎖千山与萬水左逆
九江右彭蠡直与岷嶓相首尾我疑祝融未必尊滕爾
胡爲南巡有苗不至此瀟霍天柱亦孤峻終覺博大難
斯儼噫吁嘻怪哉無峯不壁無石不泉無壁不自九地
拔九天無泉不自九天落九淵壁壁瀑瀑各變局曾無
一水一石雷同焉俄頃峯峯出雲如炊煙香鑪飯熟供
諸天雲爲海兮山爲船但見五老一一露髻鬟空中來
往羽衣僊陽翕陰闔不可狀直与造化相陶埴是時空
山無人萬籟靜但聞杳杳深林嘒杜鵑橋夫蛇虎皆荒

迹惟有看雲衲子往往行其巔那復知有茫茫塵世擾
擾檣帆空乎熱者息其慮馳者息其轅懦思奮翼出霄
漢隘思芥蒂吞大千吞大千出霄漢我來登臨卻三歎
憶昔泊船艤潮岸指點先朝舊龍戰海立濤飛起方寸
恨不當年憑試看指麾萬櫓飛雷電今朝身入萬重雲
雲霄拱挹疑匡君又思排霄羽化出風塵入世出世念
彈指久炭胷中竟誰是始知外境總浮雲請看大虛圓
靈誰變徙大澤溪山古性情習仁坎艮分流峙至人法
象參兩儀萬古川渟還嶽峙我謝匡廬謝彭蠡誰與元

氣相終始烏乎誰與元氣相終始此中所得非山水拄
杖直傲乾坤毀

廬山紀游六首

藍輿拄杖東林來杖底煙嵐撥不開老夫夜坐文殊臺
流泉五夜如崩雷大壑虛無不見底日月倒照寒蒼厓
白雲重重翻雪浪倏忽卷成千萬堆始知山靈弄狡獪
新自前山行雨回便欲乘風返元氣聳身一湧歸蓬萊
懸厓撒手信容易回首人間安在哉烏乎回首人間信
可哀

天池

不見廬山面目盡只緣身不造山頂我從山北轉山南
百陟始及含鄱嶺萬山峽束通一吭前揖五老後漢陽
遠有千頃萬頃之湖光下有千仞萬磴之山岡欲下不
下心徬徨人言瀑布天上降我來更出天漢上人言雲
海鋪足起我今直穿雲海底出天入海咫尺間一落千
丈俄塵寰抵死不冒雲霄住下天容易上天難滿身雲

霧溼羽翰山靈回首再三歎

寒鄱嶺

百道飛流趨一澗古寺鐘聲和天梵水石相逢狹道間
萬古千秋窮變幻山靈惜水如惜血虎豹關鎖無一隙

流泉出山如出圍重關轉鬪風霆馳風霆所至玉雪起
風霆所過玉雪止倒影千峯碧潭底動靜循環起伏間
翻訝雲水來不已前山後山瀑源裏古寺叩鐘聲如水
松濤透骨松雲寒萬聲寂滅念無起山泉何事苦出山
可否流潤能人間逝川回首再三歎

棲賢峽

問廬山廬山瀑源何所通胡爲匯彼萬仞之高峯胡爲
今古噴薄無終窮詞客止知快胃肥但道銀漢飛白龍
誰向真源探化工烏乎氣盛則靈勢峻則雄良非坎不
險坎非艮不雄一落千丈無所畏壁立萬仞誰敢攻不

然安得空山挂銀漢安得晴晝飛白龍安得平地咫尺
間忽霜忽雪忽雷風

聞先瀑

夢駕三鼇滄海游天風浩浩如雲浮左右鱗介生羽翼
覺來乃在五老之峯最上頭俯尋絕壑苦無路逼從絕
頂瞰其処步步下窅如下天重重踏夢如踏霧蒼耳真
迷太白游藝山駭倒昌黎步石梁石梁安在哉日暮狼
嘷虎豹哀忽聞澗底虬驚雷三鼈橫絕雙蒼厓鱗甲蒼
厚盤古苔不敢手捫敢足揩兩厓幽護聞風雷茲游快
絕平生懷嵐驚霧破疑皇媧誰道謫仙今在哉千五百

平今復回青冥無梯笑飛去更三千季重再來

三石梁自太白

後皆莫知其處志乘皆謂神仙幻化之蹟明萬歷中大史劉允升始於五老峯澗底得之作記傳世至予而三矣其三梁每梁皆橫丈許長數丈又此梁彼梁相去皆十餘丈天台只石梁耳以瀑布出于顯地故名動古今此三石梁則所謂遜世不見知而不悔者歟蓋山山不斲則峽不束廬山龍脈將起五老峯故大斲于此左爲三石梁右爲三疊泉皆天造地設也

渴虹倒吸西江水萬丈老龍飛不起三奮三墜下無底
噴爲雨雹風霆詭一練三簾萬玉珠奮迅奔騰十數里
水石晝夜萬仞削雙崖鐵立殷空厖日月萬古照不到
一峽終季煙霧裏數尺短松千尺苔山深六月寒蒼兕

不知何人暗相報遂令闖破混沌死至今山靈怒游客
百步飛霖射衣履山非山水非水仙非仙鬼非鬼回頭
洞口雲扃矣千秋萬歲何時啟

朱子關白鹿洞時向不知有三疊泉及歸武夷

後門人聞諸樵父圖而寄之

井陘行寄感

青天青如石上有落落星何季化爲磊磊石聽君一歌
井陘行天險尙可升地險尙可平險莫險於行人情自
從重耳鬪機穽至今晉石皆崢嶸九鳥未落來逢蒙射
羿還彎射日弓龍蛇起陸殺機伏青天白日生蒿蓬人

間局促不可以游不如乘雲遨翔九州九州茫茫雲不
開坐覺乾坤塊礪如山來聽君歌歌以哀飲君流霞之
酒杯澆君胸中之崔嵬君不見太行終古何礙鴻蒙哉
君不見鴻蒙終古何曾知有太行哉

潼關行示楊廣文二首

久聞潼關名今識潼關面此去萼陽尙數程天險誰言
一當萬雨止嶽岫秋容青風來關塞河聲健坐覺蒼茫
萬古心猶逐風雲四時變客言十二連環堞古設禁溝
之西北連山塹谷互西南鎖斷飛鳥無行迹瀾澹惟防

東寇來汴京又杜西師出間道尙聞商縣攻變局紛紛
罕沿襲守秦不守關守關不守溝守溝不建堡十二肘
腋腹背差千秋我謂客言意淡苦請更爲君擴胸腑車
戰變騎騎變步山川地利皆殊古成皋函谷古金湯步
攻近世誰嶠虎書生史事空撐拄不苦濁醪戰尊俎
夢上山漸去驪山來明朝更賦湯泉哀

夢上太華峯頭作重九眼底碁枰環九有一著高伸巨
靈手黃河左終南右高者如升天下者如投曰鐵騎百
萬九邊守自非天傾地陷何當朽幾家輓車伏道旁幾

家銅狄埋蒿莠信陵不入函谷關入者黃巢安祿山伯
升不御咸陽殿御者更始牧童賤翻局覆局皆天意庸
手國手等兒戲哥舒白谷兩英雄痛哭催軍萬年淚萼
表鶴歸城郭橫戰場弔古雲冥冥槐國金湯幾戰并平
世跛羊簑笠升請君莫誦潼關行

蜀道行

君歌從軍行我唱行路難君奏巫山高我彈蜀國弦蜀
國周遭五千里女媧遺石橫南紀共工怒首觸不開水
束山盤自終始魚鼈四萬八千歲不與人間共天地不

遭洪水闢九州堯禹豈識開明帝神丁鑿山山忽摧斃
靈劈江江水開望帝高飛雲表去秦兵一夜從天來金
牛道木牛蹂白帝城赤帝守蛙聲不斷鵲聲又萬古劍
門与夔門惟見千夫荷戈走書生不用歎征袍英雄失
路同兒曹變化風雲長頭角時窮天地皆荆茅君不見
六國龍擾劫灰日青牛紫氣南關客神龍首尾何有哉
流沙一去無消息蜀國絃絃以哀問君西游何時回

棧

連雲

子午谷行

談兵說劍警陽路騎驟愛走荒山峪自天而降人盡驚
有客來從子午谷承平鳥道成坦郵惟餘雲木叫鉤輞
雖乏鳳州柳手酒胸中史事溫千秋子午咸陽五千里
七十二峪無近此乾隆羽檄走金川唐室荔支飛貢使
乾隆中金川用兵巡撫畢沅奏改驛子午谷較廢延也
谷近八站卽唐代貢荔飛騎所由也今又廢舊矣十載督漢中魏虜形勢森目胸大軍鼓行西致賊奇兵
間道東乘空震雷自天耳不掩三輔響應雲爭從何況
入險近若咫進則乘利退無死蜀國豈儉五千卒天心
方定三分壘時來陳倉出肘腋運去陰平喪首尾君不

見秦王虬髯命世雄不趨平壤遺遼東

錦城吟

孔明廟前無古柏杜公艸堂無四松濯錦江頭無石筍
閬州城外無高棕長江滾滾來不已故物莽莽去無蹤
登錦城望寥闊屢朝龍戰爭蝸角望帝精魂杜宇嘯遙
呼古人不可作猶憶潢池舊弄兵棧壘戎旌連劍閣籌
邊樓上贊皇樽望鄉臺前嚴武幕何處青山萬古魂何
處繡壤千家錯蜀娃歌兮舞起向江頭插白雨成
都美酒醉千春狂呼杜陵李白爲賓主登樓懷古來天

風玉壘浮雲獨延佇題詩解纜下巴陵巫峽回頭無處所

中條山王官谷雙瀑吟

中條山在解州鹽池之南黃河之東北五峯環拱而

天柱峯居中南面獨尊中有王官谷雙瀑東西自天柱直下飛洒叢石間而觀泉亭當其台流清瑟瑟峨瑩神滌慮乃唐陽城司空圖所棲隱也自解州城中望之奇峯疊巘天然圖畫山形勢類王屋而泉瀑遠勝之為春秋秦伯伐晉渡河取王官之地河北棲隱勝處自蘇門百泉外無過此焉盤谷不足道也

忽驚雲黑何方雨誰知泉挂峯頭樹一邨雲樹水聲中疑是山人辟秦處條山西枕黃河曲四山環拱天柱足

人言黃河天上來誰知銀河萬仞卻瀉山中雷東西兩
瀑不相見回厓寒悶千瓊瑰寒日無影峯插漢但有古
雪濺莓苔人言西北之山少泉水不若東南雷電起豈
知河北瀑龍人不見首尾岱礬西谷水簾足游人登峯
不尋谷沂山雙瀑橫雲霄高寒誰可躋岩巖太行林慮
瀑奇絕崖谷荒險虎豹穴惟有盤山泉石聞天下臥瀑
終殊飛瀑掛欲求西北觀瀑不險而絕奇無若王官谷
裏天紳垂晴空雨雪三千丈終古風雷十二時垂綸亭
濯纓澗此間可以忘南面有人絕壁煙霞鍊欲往從之

峯回路轉可望不可見雲樹蒼蒼空浩歎

王屋山天壇觀雲歌

王屋山五峯環峙北屏天壇爲主峯東西日精月華而南

峯橫轉爲案中敞城郭如明堂天府略似中條而天壇三成石階天削則在中條天柱之右雖五嶽尊嚴無以過之唐虞何以不嶽王屋而嶽霍山邪中條有分雲嶺每出雲必東西分布不亂王屋天壇亦然雲有雨不雨之殊山中人能預決之予住山數日飽閱化工皆有法度特世人質質則謂其變化莫測耳歌以紀之

人言王屋少泉水不若中條雷電起豈知王屋雲海鋪
足底雲海收放誰司權天壇石上神龍眠日日雲師出
行雨指揮節度非由天左雲不得右右雲不得左自何

峯出歸何峯日日峯頭自關鎖有時蓬勃蒸滃如釜鑊
不出三朝必霖澍有時橫斜腰腹如縑素知是晴雲作
畫幅有時片片入谷俄忽失此是歸雲無雨力山靈將
雲如將兵指揮號令無專行四山環拱爲雲城不放一
雲出谷坑山恃雲如龍恃水龍無雲水何以生有時雨
後雲鋪海登壇大閱屯干營天壇果是將壇地眾雲奉
此如瑤京我今萬仞峯頭俯喬嶽石巉巖兮雲潏潏呼
吸乾坤爲囊籥願與青山申舊約山頭一半是煙霞山
腰以下是吾家世外紅塵不到地但須流水遶桃花濟

源涸後泉離石從此山雲少顏色願收清濟復歸山只
須一夜蛟龍力從此雲中飛瀑雷亦如銀河天上來何
羨嵩雲岱雲藝雲鋪海哉天風咳唾詩瓊瑰

雁蕩吟

何山不奇泉与石石不離土兮水不離石何故雁山天
破格膚去髮髭惟骨炭水盡空際飛石盡天外立飛水
莫若龍湫傳我來不見水兮惟見煙長虹下飲有無間
頗嫌玉女何嬋娟誰道山靈知我意忽忽奔騰雷雨至
由數倍兮數十倍呼聲逾壯瀑逾厲不知上源盛極如

何繼風忽卷兮入雲際霧濛濛兮溼天地始知空谷之
中闕萬氣人聲所至兮氣飛動氣所至兮泉奔興海市
嶽雲何足異回首洞天已森閉泉事窮石事始靈巖靈
峯插天起一峯一峯千百峯城郭堂防百十里或洞裂
兮鬼府藏或亂射兮天弧矢或疑龍宮怪族來酣戰女
媧搏造無情理月出兮萬峯一魂雲來兮眾壑千髓爆
雷迸兮諸天震劫火燼兮混沌死十步九回頭逾嶺漸
邐迤甫大開卽大束石門雙鎖一潭淥山旣住水亦住
化明鏡環蒼玉雲影峯影樹影匯一曲山到此三變局

險怪窮空明遇若使觀源不觀委幾疑剖世無滯蓄純
是神行非骨立蕭復瑟兮芒復芴揅谷須探海濱谷直
移島嶠於平陸森然萬丈槎枒空洞之氣擄人腹筆爲
怒骨爲崛倒昌黎哭昌谷

天台石梁雨後觀瀑歌

雁湫之瀑煙蒼蒼中條之瀑雷硤硤匡廬之瀑浩浩如
河江惟有天台之瀑不奇在瀑奇石梁如人側臥一肱
張力能撐開八萬四千丈放出青霄九道銀河霜我來
正值連朝雨兩厓偪束風逾怒松濤一湧千萬重奔泉

衝奪游人路重岡四合如重城震電萬車爭殷鱗山頭
艸木思他徙但有虎嘯蒼龍吟須臾雨盡月華溼月濕
更較雨瀑謐千山萬山惟一音耳畔眾響皆休息靜中
疑是曲江濤此則雲垂彼海立我曾觀潮更觀瀑浩氣
胸中兩儀塞不以目視以耳聽齋心三日釣天瑟造物
貺我良不慳所至江山縱奇特山僧掉頭笑休道雨瀑
月瀑那如公瀑妙破玉裂瓊凝不流黑光中綫空明窈
層公積壓忽一摧天崩地坼空晴昊前公已裂後公乘
一日玉山百頽倒是時樵牧無聲游屐絕老僧扶杖窮

幽討山中勝不傳
山外武陵難向漁
郎道語罷月落山
茫茫但覺石梁之下
煙蒼蒼雪硤硤挾
以風雨浩浩如
河江

黃山雲海詩

海成山憶蓬萊閣
山成海則文殊庵
我來正值月華霽
玻璃影涵千萬巖
山童忽報將鋪海
是時雨後山氣酣
山山樹林噴薄有
形無聲之飛瀾
分流互注相回盤
驚奔亂驚如脫驂
初各一縷合萬族
從足至腰漸脊豔
不風不波千萬里
以天爲岸山爲鮎
一白光中萬青嶺
填天

荒地老無人帆俄頃凹凸高下渾一箇但餘方丈瀛洲
三眾山反下水反上翻怪碧空如此藍人天世界空中
嵌但少倒月沈秋潭良久海風漸蕩漾白光始与青光
參中有松濤萬谷助峒嶺更有萬怪出沒相吞吮又恐
三山隨波漂沒化爲嵐日光忽躍金烏趨飢蛟倒吸無
畱痰以下還下堪還堪惟見北斗參橫南歸來勿与癡
人譚夢中說夢誰曇珣

黃山西海門觀落日歌

三天門後三海門天門高高海門深割然大斲雙闕崙

左厓右壁屹萬尋亂麻皺摺百千層屹若峭岸臨滄溟
再闕三闕重觚棱豎立鍊黑橫空青海門之中萬石變
一峯一峯亂峯眩茫乎芴乎大海淀蛟鼉顛顛來酣戰
夕陽欲下無人境形復生形影生影白雲湧起松濤猛
爭攫火珠靈怪逞雲与全山共呼噎諸峯此時大闔闢
弱水西流日西墜欲不歸來虎豹悸傳聞月海更寥窅
恨不月下來觀月齒翠

天目山囊雲歌

西天目山高多雲僧用油素囊以
贈人予得其一至寓邸放之浮溢

几席幽幻百出俄綽幽
遁不知所往戲爲歌之

遇峯平峯樹平樹雲與青山作畫幅山雲出山我入山
相逢狹路山前麓山中之雲寺中僧僧與白雲互主賓
有時山僧下山去白雲與僧作主人厓窟僧房三十六
房房都有白雲宿曉來雲氣滿帳牀人人夢住白雲鄉
偶囊空翠贈游客欲充行腳千里糧老僧入定峭厓下
慣眠洞雲如大厦有時呵佛誤叱雲奔驟山門成戰馬
山人誤入萬山縫歸來攜得一囊淞姓凶局戶放雲看
直疑縷縷出厓洞便將雪氣當鑪煙圖書盡受香嵐供
忽然穿隙出簾櫳頃刻太空是誰縱夢被山靈責狡獪

游戲誤將化工弄雲中雞犬盡喚人回首青山合無縫

桂林陽朔山水歌三首

飽看東南青萬束自謂平生雙眼福那知不到桂林山
天外未開盤古目四面成陣如怪雲雲外怒森千筍玉
那數江南無骨山埽盡世間螺黛俗舟發桂林西艤舟
陽朔東快哉舟行竟與山行同水外有山山夾水峯頭
飛水水吞峯舟行竟日不出山峽中曲折使篙不使風
塔臺垣壁簪笏旗劍不可以數計間以谿谿溪洞相淙
淙但見船窗之上水光中山影數十態百重左遮右逐

常相逢中有一柱森芙蓉昨日在舟西今晨在舟東武
夷八九曲巫峽十二峯衡嶽七十二黃山卅六峯一齊
幻入船窗無一同使我目不及瞋耳不及聰噫嘻吁怪
哉大山宮小山太水收小水大營壘包小營壘巴峽連
營七百里若非天南少人而多石何故陣陣正奇一至
此一轉一天地百棹百驚喜入峽愈深勢愈詭半雲半
雨崖傾圯大關大鎖到陽朔如收天地歸一甌險窮怪
極入空明萬翠千蒼寒鏡裏一戟當關萬莫前呂嘉貞
抱庸奴恥宜乎勝國瞿督師指挂巖疆殉南紀韓蘇誤

走瀧庾道荆關畫師從未履誰森槎牙芒角之怪腸浣
以萬斛雪濤之江水一泄南荒蟠鬱之奇偉不然亂潑
墨瀋向蔚藍直把青天鋪作紙圖出奇峯夏雲峙文章
戰伐兩不稱江山更不狂歌吾老矣峽內方疑天地止
出峽又看天地起

粵山硤峯峯直自雲霄墮時時天半聞風濤終年常被
煙雲裹粵山尖無起無伏無連延有時剛風吹石動便
欲掣曳隨雲煙粵山湊一峯劍出萬峯鞘側嶺橫峯無
一肖一步一境境一色乾幻坤危恣省窳粵山怒仰天

齊射宋康弩有時壓首故驚人
嫺皇擲下劫灰土粵山
嫺濃纖修嫺眉軒舉以雲爲衣
山欲舞怒則劍仙喜天
女造物隨意呈山川豈必尺寸
循規架滌盡浮文形似
語橫絕丹青萬萬古

奇峯之外爲洞崖奇峯之腹空
且恢非土非石誰胚胎
地地矗立天天埋鴻蒙前土劫
前灰嫺手親搏隨意堆
以石爲天雲爲苔鍾乳墮空垂
萬菱如山側豎蓮倒開
鱗甲怒作之而頽成陣萬象如
潮來門庭樓閣堂廡陔
鼓鐘不考誰自鎚金山入定跌
蓮臺低眉似閔塵世哀

有田誰耕市誰街終古濛濛雨黃梅潺湲一去不復回
蝙蝠白日銜人懷飛鼠數尺長子孩神仙龍鬼紛臧猜
天凶漏影如鑿坯尺蠖出入誰偵哉爆竹一震九天雷
便恐地壓天崩摧神僊辟劫人辟災更於何處藏三才
乾坤彌旻彌軒恢渾渾沌沌天所胚七竅萬古何時開

洞庭吟

楚狂泊舟風烈烈更上岳陽望湖月樓頭有客請我吟
軒樂湘靈休勦說客言天地缺東南匯爲巨浸恣汪涵
年年橫溢出江左水氣蒸爲雲氣酣漢潦破圩如破堞

江潦潰隄如沃雪湖潦浸田如浸月六郡萬家供一決
不知五行何占設無乃堯年逢降割我謂客言意淡苦
未暇議今且陳古自昔楚藪夸雲夢幾見洞庭登禹貢
今日楚藪稱洞庭遺蹟何處尋雲夢水鍾三湘失七澤
自古蒼桑多變易遂以九江誣洞庭那識長江舊橫闢
荊州九穴十三孔今惟二穴餘皆壅地不讓水水爭地
仰孟受灌建瓴湧沿湖圩田歲增歲曲防壑鄰占地利
何況老林秦蜀開下游沙塞洲渚洞更加夏汛蛟水至
萬馬孰禦風濤雷烏乎八百里湖十去四江面百里無

十二安能塞川川不潰九穴須復九江初七澤請仍雲
夢豬以川還川湖還湖那患陰陽妨喻嗟樓下帆檣吳
楚送樓上鐘魚傍晚動雄譚空喟賈長沙憂樂江湖復
何用

太湖夜月吟

邈莫邈於萬古前後之僊胸舉頭卽見天際峯逖莫逖
於同時竝世之塵俗俯瞰蒼蒼邃幽谷不見平湖萬頃
秋月開豈非泰伯范蠡之所溯洄哉大浪如山擁月至
訇然撞舟如砮雷前波後浪相續起今人古月同徘徊

萬象無聲神鬼泣魚龍不動蒼煙堆乘槎已貫天漢外
卻恐風引歸蓬萊湖心莫釐壓舟重山影靜極疑欲動
還知嶠嶠有幽人月下微吟孤褐擁萬歲千秋此宇宙
幾人濯魄欠壺汞浪游忽憶廿載前湘舟翫月君山圓
班竹亭前笛聲起白鷗漁火橫天邊語聲人影月中下
夜深一艇仙乎仙湘舟翫月心始放從此驅車西北上
攜月嵩高太華巔世間形影無斯曠中年閉關西子湖
無臺明鏡枯禪枯藏月空山無一詠不許人世窺蟾蜍
太湖重見月華皓釣竿七尺垂垂老出世曾參月落遲

入世翻嫌月出蚤今月古月咫尺閒新月殘月如玳環
前三五是義皇夢後三五卽塵劫還誰未來誰過去千
古大江流不住爲語江心釣月人金輪畢竟沈何處

西洞庭石公山吟

噫嘻吁怪哉三萬六千頃中有此縹緲之崔嵬絕頂一
望兮但見七十二峯如鳬如雁拍浮渡水來長風浩浩
欲飛不飛去忽然飄我石公山前白石臺後石障前石
湖以湖爲酒山爲觚此間一石一天地坐石枕石非仙
乎夕陽欲下湖煙生羣山盡化空中雲此身便憑乘雲

去始知世外無蓬瀛隔溪漁火聞炊飯疑是秦人舊雞
犬武陵天台果勝人間世劉阮漁郎一去應不返山中
羽客揖我言請陳五帝三皇前太古梯航未到日人間
處處皆桃源一山一谷一世界那知萬里通乾坤那知
吳越舟戰秦車轅一自溪山破混沌從此四方互相見
海外俄聞禮樂通山中不許桑麻闕龍爭虎戰血中原
始說仙山好清宴何如太平載酒五湖行酒味更比桃
源清何如湖天曠蕩來晞髮明月更比洞天闊但得此
胸汪洋三萬頃何事洞庭更張樂謝客言把客手入世

出世夫何有秦人求仙仙避秦今日山中之僊來沽山
外酒我輩未必非仙才萬古蒼茫列前後安得鬼工巉
石障大書縱橫一千丈書中盡是列僊吟月下乘雲共
惆悵汨汨浪泠泠風扁舟更渡東山東三十里看青芙
蓉五十里玩光福松何必漁郎尋舊蹤何煩徐市夸瀛
蓬

石公山後吟

水在月上月又在水上到此湖天互照曠雲踞石巔石
欲踞雲巔到此人天割山川屹者黃州千丈壁橫者虎

阜千人石崕者彭蠡石鐘山矗者桂林簪筍戟盡掇宇
宙之怪奇來与太湖作勍敵水石相敵兩不降萬古千
秋忘主客謫仙坡仙不此游至今山月無顏色安得銷
夏灣前買一宅朝看煙雨湖暮踏盤陀石亦不須水仙
吹鐵笛亦不煩狂嘯星辰摘但願一年三百六十日朝
朝太湖石上巍巍醉湖水尊疊雲月客

西湖夜月吟

姓湖不及雨湖好雨湖不及月湖窮游湖貴以舟爲屋
切莫住城与佳陸夜移湖畔曉就山所至湖山同寢宿

月萼如水孤山孤山影化雲雲化無湖心亭側我爲鶴
白公隄上舟爲鳬舟中何必攜聲伎紅羅面面皆芙蕖
湖氣晝寐而夜蘇荷氣亦得夜氣舒始脫炎蒸藹萬蓋
沉復驟雨跳千株此時滿湖風露氣盡入花香魂魄醉
星斗無聲萬象寒兩岸微聞神鬼忤十萬軍聲何處來
夜半隔江海潮至清絕奇絕冠平生那復人間共天地
杭人鼓樂游西湖湧金門外呼舟輿疾走蘇隄環岳墓
斜陽歸渡喧鷗鳬酒氣蒸雲鬪絲肉誰肯雨中觀荷月
中宿萬頃湖波來濯足何年無月無西湖輸與閒人共

幽獨

西湖夜游吟二首

湖游謂可一日竟沿湖山難一月竟斯但見山不見湖
那識湖山妙情性從來山水空濛妙身入不如目入窈
目所入兮常有餘身所到兮山無奧南峯縱見北峯奇
秋林回憶春林耀一年變幻止四時春秋以外無佳好
何如水情最善變陰旌萁萁朝朝禪梅雨漸波湖漸響
水情始活游始健綺羅簫管漸遠匿我始得爲此湖長
峯峯鬢髻盡爲煙水幻亭臺庵塔盡爲煙水漾搗曳糝

湖別生面非復六朝煙柳之舊狀陰忽霽兮霽復陰時
明媚兮時蕭森一日不知幾朝暮幾春夏幾古今嗟嗟
湖之變幻隱顯若此兮誰能一日可了其精神逋仙但
得此湖雪坡老但得此湖月白公但得此湖桃柳春萬
古全湖究爲何人設我聞天地雙蟾蜍北則百泉水南
則西子湖照天雙瞳秋水碧無人解點乾坤臚勘破此
湖萬古不變處不妨長作五湖樵與漁

秋到白分風露晚星火漁舟橫點點夜深游艇骨髮寒
一聲鐵篴魚龍偃湖上人家盡偃扉不聞語笑聞仙犬

城上譙更驚夢魘幽人尋幽方未返俄看環湖之山高
者斂近者遠翠者浣濃者淺都被萬頃玻璃光影轉光
中影中孰我身不覺衣裳風露泣卻尋歸路已煙迷且
叩僧扉供茗椀

三湘棹歌

楚水入洞庭者三曰蒸湘曰資湘曰沅湘故有三湘之名洞庭卽湘水之尾故

君山曰湘山也資湘亦名瀟湘今資江發源武岡上游之夫夷水土人尙曰瀟溪其地曰黠地見寶慶府志水經注不言瀟水而柳宗元別指永州一水爲瀟遂以蒸湘爲瀟湘而三湘僅存其二矣予生長三湘溯洄雲水爰爲棹歌三章以正其失且寄湖山鄉國之思

資湘

卽瀟湘

溪行欲盡竹不已蒼雪紛紛化流水船尾甫出碧玉灣
船頭又見白雲起艤船斬竹攢作篙篙聲響應空谷號
舟底水將石作骨江邊山以石爲毛灘聲漸急篙漸警
知有截溪漁簖近漁翁曬網鸞曬翅一潭竹影涵魚影

蒸湘

溪山雨後湘煙起楊柳愁殺鷺鷥喜棹歌一聲天地綠
回首潯溪已十里雨前方恨湘水平雨後又嫌湘水奔
濃於酒更碧於雲熨不能平翦不分水複山重行未盡
壓來七十二峯影篙篙打碎碧玉屏家家汲得桃花井

沅湘

是落葉耶是紅雨瀟瀟瑟瑟打窗戶一更兩更三更雨
如聽離騷二十五漁翁家住桃源曲江水一年香一度
江碧不如邨酒淥女兒每被桃花妬東風飄出五溪裏
流到湖邊舟不止隔煙呼人問磯汴洞庭春漲水連天
遠岸青山欲上船江空月落舟茫然

山石上

南山北山煙濛濛鎖斷翡翠千萬重藍輿午行暝未到
練帶野水來相衝輿夫忍飢且息迫我欲聽殘雲際鐘

月明竹影亂飛入沿溪宵黑誰扶筇滅燭看山山更好
翠微妙在黃昏中清夜如年不知曙暗影突兀岡巒逢
須臾雲鱗漏明月照見山魑与木公一聲瓦喇忽飛起
雲際棲鵲移前峯勞人清夜亦何苦水聲激聒兼溪風
少焉四面圍中雷此身已入堂皇同山僧聞客覓音喜
知此人語非猩熊階除四面立奇石夜凶颯颯兼淙淙
山靈學水乃至水皴透何須煩鬼工不能梯雲上明月
割取一片溪邊峯持歸夜半風雨從清曉艸堂添華嵩

山石下

雷聲隱隱光如射，雨在高峯不得下。
橫雲穿插其中間，諸峯以次來起坐。
山行畏雨兼畏雲，走入崖洞如歸廈。
洞外不語洞中語，雲蒸石壁濛濛瀉。
少焉雲散雨亦霽，冒溼更驅識途馬。
磊砢石徑一車輕，似駕駭浪危湍舸。
人從山後轉，山前山亦隨人百十裏。
石徑九折復十折，一泉甫渡一泉左。
白雲驚餘山易響，黃葉屢穿露猶墮。
出谷諸峯大合開始知造物，峻關鎖一日陰陽迭變化。
未必平夷勝轆轤，野亭回首大行雲依舊。
天邊斜嵐峨峨。

錢唐江行書事二首

古詩集卷五
三
天空日墮城烏集城頭接江江水立銀龍翻江截江入
萬水爭飛一江急小舟劈入潮頭行兩岸倒走千山傾
梢上使船一紙輕但以手語無人聲前峯屢轉後峯隨
瞬息已達嚴陵磯潮聲漸息艣聲起惟見兩岸青山圍
夕陽欲泊知何處煙波浩淼無人住流行坎止隨天付
回首蒼蒼海天暮

江影動山山接天天垂凍碧山無煙飛來恰值船窗前
蘼花作雪雁飛起頗似回翔白雲裏船頭忽若無煙水
夕陽已過雨未收夜雲溼上行人頭時見螢火隨東流

桐江十里秋雲潑水氣浮山山欲活詩思眞如秋水闊
理安寺偶題贈道宣上人二首

六合塔畔台舟行峯回路轉流泉迎不聞江聲聞澗聲
入谷九溪十澗更漸漸窈林略約橫不聞人聲聞鳥聲
參天雲樹無陰旡日暮空谷林丁丁不聞鳥聲聞樵聲
再轉風幡出塔層寺門鈴語鐘磬鳴不聞樵聲聞梵聲
松梢浮煙暮霞薄榭葉無人自相逐白雲到門無剝啄
山中鳥嘯山月起隔煙邀人度春水山童早入前山裏
老僧磊落萬夫特閉門自養桃花色晚喚白雲作檀越

夕陽西下無炊飯惟有朝朝樹鴉返天外歸來不辭遠

古嶽堂詩集卷六

邵陽魏源默溪箸

七言古詩

普陀觀潮行

烏乎普陀之山乃在東海之東南海南昔聞金仙隱顯
於其間梯航萬里來相參今胡湖天寥闕無往還浩浩
天飈飄我出寇艘遁後恣游佚欲往觀潮觀龍觀日出
先見天外颶風吹海立江潮豎至一綫催海潮橫至如
陣排前陣方送日本至後陣又自琉球回天陣地陣相
壓摧龍戰鯨麈萬古雷錢唐廣陵何有哉那數海艘萬

古微堂詩集卷六

礮從天來梵音洞僧眉尺許入定廿年枯不語潮音洞
僧雄辯才能話浩劫滄桑灰僧言普陀雖島寺荷夷英
夷兩窺伺臺灣舟山割據還歸颿輒艤普陀次礮艘倏
若颶潮至不干老僧坐禪事荷蘭夷寇當國初敕
空島寺遷僧徒沿海徙界三十里更無漁艇与樵蘇海
水自當廣長舌供養獨有羣龍趨島民徙盡寇影絕十
載海禁空天吳舟山地距臺灣比彈丸亦若普陀爾与
以甌脫騷中原盍棄珠厓界儋耳清野堅壁令風雷島
寇負隅堪餒死又言蔡牽昔進普陀香香煙正繞

幢樓船奄至李壯烈寇幾生馘通倉皇日本安南創夷
敵詎皆洋礮与洋舶若無羽扇秉麾人盡得礮艘亦何
益漁舟梟販盡精兵誰驅海賊攻夷賊潮聲汨語塔鈴
亟似和山僧訴胸臆秦王儻用少林寺秉拂登壇萬人
敵佛門廣大多英雄老向普陀空太息

錢唐觀潮行

世間瑰絕豈有此江逆飛海立起天風刮海見海底湧
作銀濤劈天駛病者覩之氣皆生勇者覩之神皆死如
何十萬貔貅夾江峙但有死氣無生氣腐儒生不治熙

前掌故擗胸二百年王師往渡錢唐日搬烈萬騎不用
船呼風徑渡條東岸明兵十萬壘無堅得無開國乘朝
氣亦如進潮及鋒銳排山倒海驅天地那用天吳鼓其
勢潮如行軍有進止進時强弩射不靡退時怒鼉鼓不
起潮如陽鳥有朝暮朝氣義鞭攔不住暮氣魯戈揮不
復潮如百物有壯老少壯春雷艸怒芽老後秋風弩穿
縞越潮方怒吳潮逡海王莫强天朝昏子胥枚乘裂肝
膽何如范蠡叱咤生風雲功成拂袖五湖去怕見越江
潮落痕盪桂檣鼓蘭橈越女唱吳兒謳倒驅江海回暮

濤海風蕭屑江天高傳語萬古觀濤客莫觀老潮觀壯潮

秦淮鐙船引

萬古不死秦淮月千年不竭驪龍血誰幻江城作蜃樓
誰化暑宵成貝闕直把蒼茫萬斛愁浣作江天五更雪
泉落鮫宮萬遊戲漢佩湘珠干出沒風軟潮平夜將半
回舟更逐星光亂卻喜無月鐙愈燦倒翻水底成星漢
畢竟繁華似太平誰言簫管殊清晏盪漿吳儂說向余
今歲鐙船廿載無廿載以來江漲高年年夏汛水平橋

闕干浸在波濤底畫船那得出遊遨夷船驟至連天漲
夷船退後江不浪始知水气兆兵气翻以悲餘得懼賞
圩田熟收船價低驚魂甫定歌喉愴壓驚齊上秦淮航
犒舊重尋花月舫有客紫裘腰笛來穿雲裂石河樓上
有客虬髯醉咽鳴擊碎唾壺小酒唱君不見去年今夕
秦淮岸鵲橋待渡銀河半礮雷江口震天來驚得鐙船
如雨散圖山已失京口破火輪撇捩黃天過燕子磯頭
峙狹狹朱雀航外橫鯨鱣生長承平聽畫箏幾聞鐵馬
交戈聲游船變作逃船貴十千未肯出關行旌旗獵獵

古城均不見游舫見海舫海舫飄忽如霆電誰敢聲礮
向江皋二百餘年桃葉渡七萬里外紅毛刀十丈長人
龍伯國翻天覆地噴波濤有信圍城忽尊俎一夕干戈
變千羽百萬金縉萬虜懼十年牛酒下夫舉傾得蛟宮
寶藏完保障半壁東南土萊國惟須縱博壺蘄王那用
提金鼓但看封豕離大江依然畫鷁出橫塘玉樹重開
花月夜羯鼓宵驚霓羽裳鯨波化作桃花浪兵氣銷爲
明月光阿芙蓉風十里香銷金鍋裏黃梁場衣香鬢影
天未霜酒龍詩虎爭傳觴今夕何夕銀河蒼萬歲千秋

樂未央惜哉不令英夷望應歎江南佳麗勝西洋○暑

暑宮
之誤

金焦行

登金焦望海潮海門蕩蕩無夷艘登金焦望北固萬家
煙火知何處我有蒼茫萬古哀酒酣走上妙高臺江左
夷吾安在哉排崖撼塔西風來寶剎塔高千百尺縱觀
戰勢如潮勢二百年來兩壯觀鄭延平與英吉利江北
火光赤如血江南濤色黯如墨礮聲未動濤聲蹙中有
沈沈萬家哭天塹忽聞南北分長鯨竟據三吳腹生長

百年老環堵錦繡湖山宴歌舞海晏河澄二百年那信
鯨鯢吞士女守城都統問何人嗚咽寒濤接牛渚幸寇
不知金石与圖書不然金山御軸隨天吳焦山鼎碣歸
尾閭江岸怒濤撼城吼羣夷爭飲捷勝酒夷酋登臨亦
太息如此金湯不知守舟山寶山縱絕地鎮海鎮江復
何有我來醉數六朝山殘賸蒼茫落照間海會寺前鄭
三寶曾出此山震夷島晉江城外鄭成功曾出此山奪
臺彭白土山前梁化鳳復驅島寇如卷蓬若言江左少
人物前朝何故多英雄若言長江費關鎖何故先朝歲

龍舸荷蘭萬里貢戈船扈特陪臣觀煙火擎天拔地起
離宮回江倒海沸笙鏞但聞蠲租百萬詔幾見多壘四
郊烽登金焦望海潮海門蕩蕩無夷艘橫海將軍雄豹
韜防江善後來旌旄礮臺磊落江天高江天高处御
書縣父老流淚 先皇年

江舟聽雨吟

蓬窗一夜瀟瀟雨盡作夢裏譙樓鼓鼓中如報兵合圍
號令森嚴刁斗齊小鬟濃睡呼不醒花院落子聞爭棊
不知舟人水鳥夢又認何聲互相闕醒鐙寒白悄無言

惟有岸蘆涼響共前聲前境盡茫然天冥地寂江帆重
莫言醒境卽皆同似聞耳畔馬牛風田翁聞雨起飯犢
畫樓聞雨怨操桐鄰窠灌花風雨惡又愁一夕園花落
何處老禪無夢醒有聲無聲一例聽疾雷翻江濤震海
寂寞聞根常自在

雞凶待旦吟

枕中一聲殘夢死忽然天地上下紙上年城南五十年
尙疑卅角書窗催早起早起人事如魚鱗人之少壯天
之晨也曾聽此于京國桑弧起舞殊疇桀也曾聽此于

古寺暮鼓晨鐘催出世也曾聽此于江淮踏霜晨起趨
官街同是雞聲境千異喚盡塵勞成底事一更風雨更
雨念念塵塵若梭杵百歲催人閱逆旅三更雨五更風
重衾恩怨相喚囑漏盡鐘殘猶夢中惟有窗前聽雞客
回首雞聲淚於邑

花前勸酒吟

終日一編不去手終歲不窺園外柳柳綫黃金春色淡
枝上流鶯來勸酒每歲花開不在家今春花發如紅霞
阿母攜孫花下戲簷前晨鵲聲查查人道漢書下酒物

誰道讀書如讀律劉向黃金鑄不成奇字子雲徒口吃
花落花開三萬春何如起舞北堂晨新婦佳兒各一斗
醉中爛熳皆天真臣是酒星解上壽不是花民卽酒民

泰山日觀峯古封禪壇歌

漢唐封泰山皆爲圓壇壇之上爲方壇今基址

已夷惟宋眞宗登封壇尙在日觀峯西石壇方丈許岱史言洪武初山中居民得玉匣內有玉簡十六乃宋祥符祀泰山后土文獻于朝命瘞之成化十八年秋日觀峯下雨水冲出玉簡復馳以獻命仍瘞舊所乾隆十二年冬工人于日觀峯側鑿石得玉匣二各緘以玉檢金繩啟視其一爲祥符玉冊共十七簡簡字一行外用黃縵疊摺裏之見風飛灰其一未啟巡撫阿里衮亦獻于朝是壇中物已發盡今但空壇耳矧漢以前七十二君之題記也哉

神仙不到秋風客金烏曉挂牛山柏旋磨天地無暫停
茫茫海上桃花核日觀峯前海日升曾照當年七十君
照宋照漢兼照秦六龍萬乘來如雲來如雲去如電從
官侍臣俱不見寶氣既盡荒山空尙記嵩呼賀封禪縱
使堯鶴軒龍萬古存俯視茫茫淚如霰我朝黃屋來
向東高高下下四離宮天橋六百卅丈筭不求仙不告
功不侈金泥玉檢封但勒御碑萬丈崇海曦射壁光瞳
矚海雲五色扶桑至清曉萬靈朝泰帝乾隆中東巡登
泰山自麓至頂
建駐蹕宮四所其南天門上下道愈狹險則創爲天橋
六处架木疊板紆折而上凡六百三十有一丈從官可

策騎而登焉朝陽洞勒

御書于壁名萬丈碑

岱山經石峪歌

泰山經石峪磨崖隸書金剛般若經字大如斗雄逸高古与徂徠山

水牛洞及鄒縣岡山之文殊般若經如出一手皆北齊僧安道一所書有岡山石頌題名可證慨六朝如此墨王而世莫知名但知有羲之姿媚之書爰歌以紀之

石裂天開般若經氣融岱嶽雄峻嶒縱橫磊落數十層
上承萬丈瀑濺湖瀑所衝字漫無形餘字讓存五百零
椎拓尙帶六朝公岡山鄒嶧題名曾皆出北齊大書僧
象王回顧師吼鷹金翅劈海龍出溟智永懷素慚尹邢
顛狂姿媚皆優伶筆鋒破石捫有稜想見願力驅五丁

那數封禪秦皇銘至今午夜朝百靈誦經梵唄如殷霆
只恐大地殊谷陵此石泐壞終難憑我欲仰空書大乘
以岱爲筆天爲縉劫火不侵雨不淋空中說與諸天聽
捫厓剔蘚股代肱大學般頌紛疑騰滄桑何必麻姑矜
高山流水和璵璠如闕伯牙鼓泠泠斜陽入林影鬢鬢
隔溪山鬼風谷磨嗟哉歸去行勿競

明人萬恭摩厓勒記稱此經之上

書大學聖經歷之者徧尋無有惟上勒周頌般一章不解其故及讀趙國麟詩注云少時游此見大學字徑三寸尚可讀今再游已無一畫蓋水石磨滅久矣至徂徠之陽光化寺所有冠軍將軍梁甫令王子椿石刻後尚有武平元年僧真造之語則彼亦僧書而王子椿特刻碑之人猶岡山之經主韋子淡而書僧則安道一息以

并以兩般若皆爲王
子椿書尤無稽焉

元祐黨籍碑歌

女真兵未渡混同列星下照朝元宮磊磊姓字化爲石
石裂霆震歸太空猶有崖壁畱其蹤星宿森羅捫有鋒
烏乎鴻濛泄光岳元氣茫茫神鬼繫千年鬼嘯真僊厓
猶思文母不可作萬人擁馬溫公來萬里東坡海外回
伊川博帶經筵開三公衮衮濟時出遂尊三公作黨魁
後黨忽至前黨竄紹聖力翻元祐案宣和復取惇珪勘
再變三變局浮雲羣臭羣芳事星漢君不見汴城閉言

路開童貫斥逐楊時回公論明赫尊風雷風雷未竟霾
雲起又見汪黃蹙宗李又見秦湯排趙史趙鼎史浩又見慶
元黨禁豐碑起

廬山王文成公紀功碑歌

儒生倉卒神用兵近代豪傑惟文成豈知未平逆藩先
平贛上游地險兼兵勅用之上游有深意中書指畫惟
王瓊不然安得羽檄一過征遠近響應復會城不然逆
藩長驅逼南京安得反顧旋其營外賊已平內患亟伍
參正掌羽林兵誰知九萼宴坐夕難于彭蠡指揮晨太

祖鄱湖平友諒尙未京觀尸鯢鯨公族行誅例慘澹疆
臣職合埽攬槍如何叔子峴山石竟擬中興浯溪銘勛
勞至大不矜伐曹彬謝安戒滿盈豈有文成道德士亟
思表襮鑱崢嶸明季中葉患尾大爪牙覬覦強宗盟高
煦賓鐫迭蠢動肘掖覬覦奸雄萌況茲外患由內蠹覆
轍幾同土木營特垂炯戒于川岳豈徒戰伐侈勛名勛
名總由定力致圍碁羽扇觀平生欲知破浪掣鯨手請
聽雲濤塵怒聲

送李希蓮陳雲心何積之歸郴州

少作

我所思兮在岳陽欲往從之湘水長鯉魚旣去琴高逝
安得馭風驂鸞鳳君不見祝融紫蓋參天起霞珮乘雲
二三子一語眷然骨肉親拂衣便辭楚江水我有蒼茫
萬古愁欲起靈均訴澧芷是時八月湖水平湖流倒入
湘口局西風正驅夢澤雲欲離復合合還并飄蘋離合
休相弔漁樵事業還須劦王道千秋寂釣耕行藻自古
登廊廟宣室他年間鬼神定向長沙起年少

大雪行

少作

夜風吹天天忽冥虛空粉碎天無聲萬山清晨一驢征

寒光偁驢驢不行山埋壑塞森槎牙萬溪蜿蜒如小蛇
此時有天無大地惟見銀海搖眼花直擬穹廬蓋大漠
恨無鐵騎追公車陰壑虎豹慄不行西厓定僧鐘不鳴
重簷壓夢千村死百里無復炊煙橫盛姬淚滴瑤池久
穆滿千秋嘯玉凝前林梅花一夜開客子疑是梅神來
得毋袁安林逋魂夜回雪窖公天何足哀瓊瑤不壓鴛
駘才

毒水取魚歎

少作

毒龍夜吸西江水吞盡江中萬魚子江神夜怒捉龍喉

吐出澄潭半生死清晨漁父奔驚鷺舉竿一網盈一舟
我來但見寒飈颭掩羣竭澤愁陽侯君不見海鯨崔嵬
如山誰敢仇

夜雨行

少作

誰決嘉陵江水聲瀉作廬山瀑布雨半入研池活瘞蛟
半入酒尊快肺腑忽然迸入筆力中欲駐不能馳且豎
倉卒不工且快意酣痛淋漓聊一賈我敢危坐更有聲
鐙胡寒白亦無語頃刻奔注忽已失滅迹收聲無処所
雲開暗月照朦朧疑有腥龍臥空廡阿香行雨倦戶升

更呼沽酒市龍脯

海州雲臺山老松歌

龍王出海蒼髯須怪怪奇奇天下無得無盤古以前之
幃書橫斜亂劈蒼厓枯近壓百島蛟鼉氣遠吸扶桑萬
重翠自成海外一天地松颺琅琅松濤湯湯松蓋戰雲
雲茫茫大哉百谷王中有此百樹王同我浩氣于穹蒼
夜深霆震百靈死四山怒裂龍孫子

黑龍江將軍打圍圖歌

八月河公九月雪十月天山厚地裂紇干山頭凍雀死

海東青翅冷如鐵渥集連天獐鹿肥

渥集一作窩集國語老林也

將

軍下令大打圍八旗列陳魚貫進酣獵兼旬猶未歸白

羽連貫三俊猊老林突出千年熊

用康熙進哨縱二獅敵二熊事

恍如

鉅鹿昆陽師山獵未饜水獵補打公重集撈珠戶鱗鯉

十丈可盈船鯊魚帶甲可化虎殺氣遶連長白山大家

痛飲黃龍府細騎小隊貂檐榆紅妝馬上縣元狐風馳

電轉鬬飛捷笑指新月如彎弧烏蠟藉履不知凍鵬翎

蓋屋似穹廬人參水灌磨菰麤使鹿使獒如使驢獵罷

回軍載蒼兕駝車相屬四百里講武重勒索倫隊堂子

割牲觀角牴人人自負曳落河氣吞萬帳摩千壘昨宵
羽檄赴烏孫大婦小婦齊餞樽抽箭仰視天山雲二百
餘年乘王氣四海無敵遼兵銳知君畫手思鼓鼙漢家
世出關西帥

題東丹王射鹿圖

東丹有國號人皇醫巫閭山萬卷堂瀑布聲中寫射鹿
國人共服書中王小山壓大山大山弱無力渡海風颿
投外國衣冠熏沐賓王家更賜姓名李贊萼西樓烽火
驚邊歲欲擁東樓作東帝可惜潞王已斷魂臨事倉皇

失奇計甯作東丹李贊葵有似鹽車載帝昶

澳門花園聽夷女洋琴歌

澳門自明中葉爲西洋市埠園亭樓閣如游海

外怪石古木珍禽上下多海外種其樊禽之所網其上以銅絲縱橫十丈高五丈其中池沼樹木飛浴啄息空曠自如忘其在樊也園主人曰委理多葡萄亞國人好客延登其樓有洋琴如半几架以銅絲請其鼓則舜不能俄入內出其室按譜鼓之手足應節音調妍妙与禽聲海濤聲隱隱應和鼓罷復出其二子長者九歲公肌雪膚睡翦秋水中原未之見也主人聞予能文乞畱數句喃喃誦之大喜贈洋畫而別

天風吹我大西洋誰知西洋卽在澳門之島南海旁怪石磊磊木千章園与海濤隔一牆牆中禽作百蠻語樓

上人通百鳥語鳥聲卽作琴聲譜自言傳自龍宮女蟬
翼纖羅髮鬢髻廿絃能作千聲彈初如細雨吹雲間故
將兒女幽幽態寫出天風海浪寒似訴去國萬里關山
難倏然風利帆歸島鳥嘯花放檣聲浩觸碎珊瑚拉瑟
聲龍王亂撒珍珠寶有時變節非絲竹忽又無聲任剝
啄雨雨風風海上來蕭蕭落落鐙前簇突并千聲歸一
聲關山一雁寥天獨萬籟無聲海不波銀河轉上西南
屋烏乎誰言隔海九萬里同此海天雲月耳膝前況立
雙童子一雙瞳子翦秋水我昔夢蓬萊有人長似爾鞭

騎么鳳如竹馬桃花一別三千紀烏乎人生幾度三千紀海風吹人人老矣

香港島觀海市歌

香港島在廣東香山縣南綠水洋中諸嶼環峙藏風宜泊故英

夷雄踞之營壘舍樓觀如澳門惟樹木鬱蔥不及馬子渡海往觀次晨甫出港而海中忽湧出數山回顧香港各島則銳者圓卑者矗盡失故形若與新出諸山錯峙未幾山漸離水橫於空際交馳互驚漸失巖嶂良久化為雄城如大都會而海市成矣自寅至己始滅幻矣哉擴我奇懷醒我塵夢生不未有也其可以無歌

山邪雲城邪人胡爲兮可望不可親豈蓬萊宮闕秦漢所不得見而忽離立於海濱豁然橫互兮城門市廛樓

閣兮兼郊園中有化人中天之臺千出旬層層級級人
蟻循龍女綃客闌干捫珊瑚萬貝填如雲貿易技巧紛
詐設商市罷農市陳農市散軍市屯漁樵耕饁春樹帘
畫本掩映千百皴旗纛車騎旼符閩蠻君鬼伯甲冑紳
合圍列隊肅不喧但有指麾無號令招之不語揮不噴
轟轟鱗鱗隱隱輶輶若非天風漸蕩吞不知逞奇角怪
何時泯俄頃樓臺盡失陂陀存但見殘山賸樹斷橋隻
獸一一漸入寥天痕吁嗟乎世間之事無不有世間之
物無不朽影中之影夢中夢造化丹青寫生手王母雙

成今老醜蟻王蝸國爭蒼狗若問此市有無与幻真三
世諸佛壁挂口龍宮怒鼓風濤噴回頭已入虎門右

京口琴孃曲

順治二年北固山楊公祠壁有女子題詩自言台州人衛氏字琴孃嫁三

月而遭兵難掠入淮河乘間逃還至此死焉事載邑志道光二十年庚子予奉檄濬徒陽河觀事愴情詩以悼之

山下江濤撼樓櫓闌干花亞紅禽語紅禽樓下逐花飛
樓上紅飛墮樓雨琴孃昔日天台嫁才名豔絕東甌下
罨畫溪頭竝蒂晨浣紗江畔聯襟夜鯨鯢唐突雲翻月
蜂蟻登城一旅雪何意樓頭鳳吹聲一旦馬上鶯嘯血

紅旗閃陣濁河頭弓鞬破機清淮流駝囊瀉洒駝鞍喫
鬼妾呻吟鬼馬愁蠻氈帳裏蠻絃語春雁秋鴻亂無序
虬髯莫覓昆侖奴笳拍欲同青冢女黑雲壓帳三更夕
星月無光辨巾櫛偷塚出塹萬死生縋逃虎口真奇策
野田積水淮南道日乞窮途夜青艸娉婷秋月缺難圓
爛熳春雲竟誰埽雲煙翼歷天如弓關山不見去來鴻
猿驚雁怯江聲近鶴寡鸞嬌月色濃北固山頭半城雪
西陵渡口行人絕冤禽叫下上山雲鬼鳥嘯紅寺門血
阿邪生我阿娘慈袖中團扇妾卽詩君生妾死君休問

妾死君生君不知風風雨雨摩山壁字字行行帶淚題
豚魚吹浪江生風雲霓爲佩月爲容石瓢山下飄來去
魂託帆歸向雁峯江南游子青衫客覩壁題詩其嗚咽
一弔江樓哭君才再弔江樓謚君烈